

# Greba eta manifestazio jendetsua atzo Barakaldon AHVren eraispenaren aurka

Barakaldo eta Sestaoko udaletxeetan zeuden ordezkariak bertan behera utzi zuten itxialdia

**M**ilaka pertsonak parte hartu zuten atzo Barakaldon AHVren eraispenaren aurka eta lanpostuei eustearen alde eginiko manifestazioan. Era berean, enpresako langileek egun osoko greba egin zuten arrazoi berberagatik. Mobilizazio hauek CCOO, ELA, LAB eta ESK sindikatuak antolatu zituzten.

BILBO

Azken egunotan Barakaldo eta Sestaoko udaletxeetan itxirik egon diren AHVko sindikalistek ere itxialdia bertan behera utzi eta manifestazioan parte hartu zuten. Mobilizazioan ez zen istilurik gertatu, manifestariak PSE-PSOE eta EAJ alderdien egoitzen parean igarotzean eginiko txistukadak eta oihuak eziz.

Martxaren buruan «Ezkerraldeko enpleguaren alde. AHV ez itxi» zioen pankarta zeramaten langile nahiz ordezkari sindikalek. Bukatzean, azken hauek esan zuten greba orokorrak erabateko erantzuna lortu zuela AHVko Bizkaiko hiru lantegietan.

Sindikatuetakordezkarientarte Jose Ignacio Fernandez 'Toxo' CCOOko metalgintza sailako arduraduna izan zen. Tokok birmoldaketa plana nego-



AHVren alde Barakaldon eginiko manifestazio jendetsua.

XOUSE SIMAL

ziazten hastea eskatu zion bertan Siderurgia Korporazioari (CSI).

«Manifestazio hau bere industri sarea galtzerik nahi ez duen herri baten aldarrikapena da. Herri honek berrindustrializazio politika bat eskatzen du, dirulaguntzei esker bizi behar ez izateko, nahiz eta laguntza hauek

oso handiak izan» adierazi zuen CCOOko arduradunak.

AHVko langileek enpresa eta sektorearen iraupena eskatzeko egiten ari diren mobilizazio sailako lehen greba eguna izan zen atzokoa. Hurrengo datorren ostilarean izango da, Gasteizko Legebiltzarrak Industri Politikari

buruz egingo duen eztabaidarekin batera, hain zuten. Mobilizazioekin ez dute bat egin UGT, USO eta Koadroen Konfederazioak, sindikatu hauek AHV eta Ensidesako 9.185 langile kale-ratzea aurikusten duen eta Madril berriki baimendu duen langile plana sinatu egin baitzuten.

## «Beeegira ezazu zer erosten duzun»

J. AIARZA / DONOSTIA

Euskal baserriko haragiak duen prezio txikiak ohartarazteko protestaldiak egiten ari dira

abeltzainak egunotan. Atzo, Gipuzkoako hainbat abeltzain, Iparraldeko zenbait ordezkari lagundurik, Donostiako Bretxa merkatuan bildu ziren eta 400 kilo ardi, zekor nahiz behi haragi saldu zituzten kalean bertan kostu prezioan.

EHNE eta ELB sindikatuak eginiko protestaldi horretan «Euskal Herriko artzainek aspalditik errenta murrizketa handiak» jasaten ari direla salatu zuten. Ardi bat 2.000 pezetatik gora saltzea zaila eta artilea ia ezinezkoa zaie euskal artzainei. Esnari dagokionez, «nahiz eta Idiazabalgo jatorrizko izendape-na eduki, hiru urtetan 120 pezetatik 90era jaitsi da» diote baseritarrek.

Horrez gain, azkenotan Zeelanda Beritik, Australiatik eta munduko beste lurralde askotatik etorritako haragia euskal merkatuak betetzen ari direla ohartarazi zuten. Atzerriko haragi horren kalitatea zalantzarazkoa izanik, «euskal ardikiarekin lehian duen produktu horrek erosleengan nahasketa sortzen du, kalitate handia daukan euskal haragiarekin nahasirik dagoelako».

Arazo hori dela eta, bildutako baserritarrek euskal produktuen kalitatea bereizteko *label*-a lehenbaielehen ezartzeko eskatu zieten erakunde publikoei.

Hogei bildots eta bi behi izter kostu prezioan (2.000 pezeta arkume ardia, 5.000 osoa eta 500 pezeta okela boltsa) salgai jarri eta azkar saldu zuten abeltzainek, Donostiako merkatuaren inguruan zebiltzan etxeoandre eta ibiltari askotxo erakarri baitzuten haragiaren salneurri txikiak. Baserritarrentzat protesta egiteko arazoa dena beste batzuentzat erosketa ona egiteko aukera bilakatu zen horrela.

Merkatu handiek diru hori ordaintzen diete abeltzainei, hauek esplikatuztenez, gero okela hori saltokietan askoz garestiago eta kalitatea bermaturik ez duela saltzeko.

Haragiaren prezio txikia saltzeko ekintza hauek Gasteizen herenegun, Donostian atzo egin zituzten eta Bilbon datorren astean egingo dituzte EHNEko baserritarrek. Datorren martxora-ko, berriz, Jaurkitaren egoitzan egingo duten mobilizazio jendetsu eta zabala iragarri dute.



Abeltzainek haragi inportazioa salatu zuten.

ANDER GILLENEA


**Industri politika aztergai izango da datorren astean**

J. AIARZA / BILBO

Euskal Administrazioak industri politikaren inguruan duen jokabidea aztertzeko garaia heldu da eta datorren astean erakunde politiko eta sozialen eztabaidagai nagusia izango da. Hala, ostiralean hilak 12 Eusko Legebiltzar-rrak ezohizko plenoa egingo du gai honi buruz eta bezper- an Industri Politikaren Jarraipenerako Mahaia bilduko da.

Euskal Herriko industri sektoreen birmoldaketaren unerik larrienean izango da eztabaida hau: altzairugintza, hodi sektorea, untziolak, papergintza eta beste hainbat alorretako enpresa nagusiak doikuntza prozesu lagarrietan sartuta daude. Askorentzat ateak ixtea arrisku hurbila da eta guztietan milaka lanpostu galtzea errealitatea da jadanik. Hori dela eta, AHV, ARN eta Tubexeko langileek egun hori aukeratu dutelaren protestak egiteko.

Egun bat lehenago Industri Politikaren Jarraipenerako Mahaia bilduko da helburu berberarekin. EAEko Gobernuak, sindikatuak eta enpresariak osatzen duten Mahai hau hiru hilabetean behin biltzen da eta bilera hauetan 21 lagunek hartzen dute parte: Industria, Ekonomia, Hazienda, Merkataritza eta Lan sailburuek, Confebasko presidentek eta ELA, CCOO eta UGT sindikatuak idazkariek.



ALTZA  
MONPAS  
ORTZADAR  
RIKARDO ARREGI

euskaltegiak

euskara  
ikastaroak

DONOSTIA - ERRETERIA

otsaila - ekaina

- ALTZA  
Txirrita, 23 T: 39 43 77
- MONPAS (GROS)  
Zemoria, 5 T: 27 27 11
- ORTZADAR  
Beheko kalea, 11 T: 52 66 57
- URUMEA - R. ARREGI  
Sanchez Toca, 1 T: 46 46 55

MATRIKULA ZABALIK